

史

通

訓

故

補

史通訓故補卷之九

北平黃叔琳崑圃補註

海虞顧鎮備九叅訂

德水羅以深逢源同訂

覈才第三十一

夫史之難其難甚矣。晉令云。國史之任。委之著作。每著作郎初至。必撰名臣傳一人。斯蓋察其所由。苟非其才。則不可叨居史任。歷觀古之作者。若蔡邕。劉孝標。徐陵。劉炫之徒。各自謂長於著書。達

於史體然侏儒一節而他事可知案伯皆於朔方  
上書謂宜廣班氏天文志夫天文之於漢史實附  
贅之尤甚者也必欲申以掎摭但當鋤而去之安  
可仍其過失而益其蕪累亦奚異觀河傾之患而  
不過以隄防方欲䟽而導之用速懷襄之害述史  
如此將非練達者歟孝標持論析理誠為絕倫而  
自叙一篇過為煩碎山栖一志直論文章諒難以  
偶跡遷固比肩陳范者也孝穆在齊有志於梁史  
及還江左而書竟不成嗟乎以徐公文體而施諸

史傳亦猶溺上兒戲異乎真將軍幸而量力不為可謂自卜者審矣。光伯以洪儒碩學而述邇不遇其銳情自叙欲以垂示將來而言皆淺俗理無要害豈所謂誦詩三百雖多亦奚以為者乎。昔尼父有言文勝質則史。蓋史者當時之文也。然朴散淳銷時移世異文之與史皎然異轍。故以張衡之文而不閑於史以陳壽之史而不習於文。其有賦述兩都詩裁八詠而能編次漢冊勒成宋典若斯人者其流幾何。是以畧觀近代有齒跡文章而兼修

史傳其為式也。羅含謝客。宛為詩頌之文。蕭繹江淹。直成銘贊之序。溫子昇。尤喜複語。盧思道。雅好麗詞。江總猖獗以沉迷。庾信輕薄而流宕。此其大較也。然向之數子所撰者。蓋不過偏記雜說小卷短書而已。猶且垂濫踏駁。一至於斯。而況責之以刊勒一家。彌綸一代。使其始末圓備。表裏無咎。蓋亦難矣。但自世重文藻。詞宗麗淫。於是沮誦失路。靈均當軸。每西省虛職。東觀佇才。凡所拜授。必推文士。遂使握管懷鉛。多無銓綜之職。連章累牘。罕

逢微婉之言。而舉俗共以為能。當時莫之敢侮。假令其間有術同彪嶠。才若班荀。懷獨見之明。負不刊之業。而皆取窘於流俗。見嗤於朋黨。遂乃哺糟歠醪。俯同妄作。被褐懷玉。無由自陳。此管仲所謂用君子而以小人參之。害霸之道者。昔傳立有云。觀孟堅漢書實命代奇作。及與陳宗尹敏杜撫馬嚴撰中興紀傳。其文曾不足觀。豈拘於時乎。不然。何不類之甚者也。是後劉珍朱穆盧植楊彪之徒。又繼而成之。豈亦各拘於時而不得自盡乎。何其

益陋也。嗟乎拘時之患其來尚矣。斯則自古之所歎。豈獨當今者哉。

後漢書。秦邑為程璜等所陷。徙朔方。上書自陳。奏其所著十意。帝嘉其才高。宥還本郡。

梁書。劉峻。字孝標。為安成王戶曹參軍。召入西省。與賀贲等典校秘閣。以疾去。遊東陽紫巖山。築室居焉。為山楮志。其文甚美。又嘗自比馮敬通。及卒。門人謚曰玄靖先生。

隋書。劉炫。字光伯。河間景城人。開皇中。與王劼同修國史。後罷歸河間。不得志。乃自叙其大幸有四。深恨有一。後竟凍餒而死。

史記。文帝後六年。匈奴大入邊。以河南守周亞夫為將軍。軍細柳。劉禮軍霸上。徐厲軍棘門。上自勞軍。至霸上棘門。直馳入。至細柳。持節始開壁門。天子按轡徐行。成禮而去。曰。嗟乎。此真將軍矣。向者棘門霸上。如兒戲耳。

金華志南齊隆昌元年太守沈約題八詩于玄暢樓後人因更曰八詠樓

羅府君別傳舍字君章未陽人桓宣武辟為別駕累遷散騎常侍

北齊書盧思道字子行才學兼著楊遵彥薦于朝累遷散騎侍郎

陳書江撫字德持考城人仕梁尚書侯射入陳轉太子詹事陳亡入隋拜上開府

後漢書尹敏字幼季南陽堵陽人與班彪親善累遷諫議大夫

後漢書杜撫字叔和犍為武陽人建中初為公車令

後漢書馬嚴字威卿伏波將軍援兄子也歷官中丞與班固等定建武注記

後漢書劉珍字秋孫南陽蔡陽人歷官謁者僕射永寧元年郊太后令與劉駒駭等作建武以來名臣傳

後漢書朱穆字公叔暉之孫也歷官冀州刺史



徵拜尚書、卒、

後漢書、盧植、字子幹、涿郡人、徵為議郎、與蔡邕

等并在東觀、續漢紀、

後漢書、楊彪、字文先、賜之子也、代朱雋為大尉、

黃初中卒、

〔補注〕

後漢書、注、蔡邕別傳曰、邕昔作漢紀十意、未及

奏上、適事流離、因上書自陳云、臣常以為漢書

十志、下盡王莽而止、光武以來、惟記紀傳、無續

志者、臣欲刪定者一、所當接續者二、前志所無、

臣欲著者五、分別首目、并書章左、

南史、梁元帝本紀、帝諱繹、字世誠、小字七符、武

帝第七子也、封湘東王、簡文帝崩、帝使王僧辨

等平侯景、乃即位于江陵、改元承聖、二年、魏軍

至襄陽、帝兄執、魏人執帝、帝性愛書籍、著孝德

傳、忠臣傳、各三十卷、丹陽尹傳十卷、注漢書一

百五十卷、

南史、江淹傳、淹字文通、濟陽考城人、齊建元二

年始置史館。淹與趙超等掌其任。所為條例。並  
為王儉所駁。其言皆不行。所撰十三篇。竟無次  
序。梁天監初。遷金紫光祿大夫。封醴陵侯。  
北史。淹子昇。字鵠舉。太原人。晉大將軍嶠之後  
也。祖恭之。避難歸魏。家於濟陰。孝莊即位。以為  
南主客郎中。修起居注。歷官中軍大將軍。及元  
儼等作亂。齊文襄疑子昇知其謀。方使之作神  
武碑文。既成。乃饑諸晉陽獄。食餒襦而死。

序傳第三十二

遷私作史記  
自叙可也若  
來詔修史則  
已之家世宜  
立傳與否別  
有公論作者  
不應自叙

蓋作者自叙其流出於中古案屈原離騷經其首  
章上陳氏族下列祖考先述厥生次顯名字自叙  
發跡實基於此降及司馬相如始以自叙為傳然  
其所叙者但記自少及長立身行事而已逮於祖  
先所出則蔑爾無聞至馬遷又徵三閭之故事放  
文園之近作模楷二家勒成一卷於是揚雄遵其  
舊轍班固酌其餘波自叙之篇實煩於代雖屬辭  
有異而茲體無易尋馬遷史記上自軒轅下窮漢

武彊宇修濶道路綿長故其自叙始於氏出重黎終於身為太史雖上下馳騁終不越史記之年班固漢書止叙西京二百年事耳其自叙也則遠徵令尹起楚文王之世近錄賓戲當漢明帝之朝苞括所及踰於本書遠矣而後來叙傳非止一家競學孟堅從風而靡施於家譜猶或可通列於國史每見其失者矣然自叙之為義也苟能隱己之短稱其所長斯言不謬即為實錄而相如自叙乃記其客遊臨邛竊妻卓氏以春秋所諱持為美談雖

事或非虛。而理無可取。載之於傳。不其愧乎。又王充論衡之自紀也。述其父祖不肖。為州閭所鄙。而已答以瞽頑。舜神。鯀惡。禹聖。夫自叙而言家世。固當以揚名顯親為主。苟無其人。闕之可也。至若盛矜於已。而厚辱其先。此何異證父攘羊。學子名母。必責以名教。實三千之罪人也。夫自媒自衒。士女之醜行。然則人莫我知。君子所耻。案孔氏論語有云。十室之邑。必有忠信。不如丘之好學也。又曰。吾日三省吾身。為人謀而不忠乎。與朋友交而不信。

乎。又曰。文王既沒。文不在茲乎。又曰。昔者吾友嘗從事於斯矣。則聖達立言也。時亦揚露已才。或託諷以見其情。或巽辭以顯其跡。終不盱衡自伐。攘袂公言。且命諸門人。各見爾志。由也不讓。見嗤無禮。歷觀揚雄已降。其自叙也。始以誇尚為宗。至魏文帝。傅玄。陶梅。葛洪之徒。則又踰於此者矣。何則。身兼片善。行有微能。皆剖析具言。一二必載。豈所謂憲章前聖。謙以自牧者歟。又近古人倫。喜稱閎閎。其輩門寒族。百代無聞。而驛角挺生。一朝暴貴。

無不追述本系。妄承先哲。至若儀父振鐸。並為曹氏之初。淳維李陵。俱稱拓拔之始。河南馬祖。遷彪之說不同。吳興沈先約。烟之言有異。斯皆不因真律。無假寧楹。直據經史。自成矛盾。則知揚姓之寓西蜀。班門之雄荆野。或冒纂伯。僞或家傳。熊繹恐自我作古。失之彌遠者矣。蓋諂祭非鬼神所不歆。致敬他親。人斯悖德。凡為叙傳。宜詳此理。不知則闕。亦何傷乎。

離騷帝高陽之苗裔兮。朕皇考曰伯庸。攝提貞于孟陬兮。惟庚寅吾以降。皇覽揆予於初度兮。

肇錫余以嘉名。名余曰正則兮。字余曰靈均。  
史記太史公自序。昔顓頊命南正重以司天。北  
正黎以司地。其在周。程伯休甫其後也。當周宣  
王時。失其守而為司馬氏。至司馬喜生談。談為  
太史公。談卒三歲而遷為太史令。  
王充論衡自記。充細族孤門。或謂之曰。吾子何  
祖。其先不載。未嘗履墨塗。出禮門。吐論數千萬  
言。何也。答曰。鯀惡禹聖。瞽惡舜神。伯牛寢疾。仲  
弓潔全。

文帝典論自序。首言初平董卓之亂。次及張繡  
之反。乘馬付脫。及與荀彧論射。鄧展擊劍。以致  
殄墓之事。無不縷陳。

史記重黎氏世序天地。索隱據左氏重少昊之  
子。黎顓頊之胤。二氏所出各別。馬遷合而為一。  
故摠云在周。程伯休甫其後。非也。司馬彪序云。  
南正黎復世為司馬氏。

南史沈約。吳興武康人。沈炯亦吳興武康人。約  
自序云。昔金天氏有裔子曰昧。為玄冥師。生子



臺駘能業其官。顓頊嘉之。封諸汾川。其後四國。法如。蔣黃。沈子國。今汝南平輿。沈亭是也。其後因國為氏云。

前漢書叙傳。班氏之先。與楚同姓。令尹子文之後也。子文初生。棄于夢中。而虎乳之。楚人謂虎為班。其子以燕號。秦之滅楚。遷晉代之間。因氏焉。秦末。有班。一避地樓煩。以財雄遠。故北方多以一為字者。幽通賦云。系高項之玄胃兮。氏中葉之炳靈。由凱風而蟬蛻兮。雄翔野以颺聲。固感東方朔揚雄自諭。以不遭蘇張范蔡之時。作負戲以自通。

補注

漢書司馬相如傳。相如遊梁歸。往過臨邛令王吉。臨邛富人卓王孫。為具召之。并召令。時卓王孫有女文君新寡。相如以琴心挑之。文君夜亡奔相如。遂與馳歸成都。家徒四壁立。久之。復如臨邛。盡賣車騎。買酒舍。乃令文君當爐。相如身自著犢鼻褌。與保雜作。滌器市中。卓王孫耻

之為杜門不出。昆弟諸公更說王孫乃分與文君。僅百人。錢百萬。

漢書揚雄傳。楚漢之興。揚氏溯江上。處巴江州。而揚季官至廬江太守。元鼎間。復溯江上。處岷山之陽。自季至雄。五世而傳一子。故無他揚于蜀。

姓。滙。陸終生子六人。曰樊。曰蕙。蕙曰箴。箴曰求。求曰晏。晏曰季連。晏安封于曹。為曹氏。而邾婁。邾。倪。莒。小邾。根牟。皆曹姓也。武王封曹俠于邾。是為邾婁。今魯國鄒縣是也。史記曹叔振鐸。武王弟。此非曹姓。

姓。滙。昌意季子。恂。遷于北土。後統黨項。為拓跋氏。拓。通考作托。是黃帝之苗裔。北俗謂土為托。后為跋。以黃帝土德而言也。宋齊二史。則以為李陵之後。魏書則以為后稷始均之後。其說俱非。

煩省第三十三

昔荀卿有云錄遠畧近則知史之詳畧不均其為

患者久矣及于令昇

寶字令昇晉人

史議歷詆諸家而獨

歸美左傳云立明能以三十卷之約括囊二百四

十年之事靡有子遺斯蓋立言之高標著作之良

模也又張世禕

輔字世禕晉人

著班馬優劣論云遷叙三

千年事五十萬言固叙二百四十年事八十萬言

是班不如馬也然則自古論史之煩省者咸以左

氏為得史公為次孟堅為非自魏晉已還年祚轉

促而為其國史亦不減班書此則後來逾煩其失  
彌甚者矣余以為近史蕪累誠則有諸亦由古今  
不同勢使之然也輒求其本意畧而論之何者當  
春秋之時諸侯力爭各閉境相拒關梁不通其有  
吉凶大事見知於它國者或因假道而方聞或以  
同盟而始赴苟異於是則無得而稱魯史所書實  
用此道至如秦燕之據有西北楚越之大啟東南  
地僻界於諸戎人罕通於上國故載其行事多有  
闕如且其書自宣成已前三紀而成一卷至昭襄

實為定論近  
人猶以左氏  
定哀間傳傷  
於繁冗適為  
識者嘆耳

以下數年而占一篇是知國阻隔者記載不詳年

淺近者撰錄多備

杜預釋例云文公以上六公書日者二百四十九宣公已下亦

六公書日者四百三十二計年數畧同而日數加

倍此亦久遠遺落不與近同也是則儒者注書已

見之此正明隨聞見而成傳何有故為簡約者哉

及漢氏之有天下也普天率土無思不服會計之

吏歲奏於闕廷輜軒之使月馳於郡國作者居於

京兆府徵事於四方用使夷夏必聞遠近無隔故

漢氏之史所以倍增於春秋也降及東京作者彌

衆至如名邦大都地富才良高門甲族世多髦俊

之通川文甫

邑老鄉賢。競為別錄。家牒宗譜。各成私傳。於是筆削所採。聞見益多。此中興之史。所以又廣於前漢也。夫英賢所出。何國而無書之。則與日月長懸。不書則與煙塵永滅。是以謝承尤悉江左。京洛事缺於三吳。陳壽偏委蜀中。巴梁語詳於二國。如宋齊受命。梁陳握紀。或地比禹貢一州。或年方秦氏二世。夫地之褊小。年之窘迫。適使作者採訪易洽。巨細無遺者。舊可詢。隱諱咸露。此小國之史。所以不減於大邦也。夫論史之煩省。但當求其事有妄載。

苦於榛蕪。言有關書。傷於簡畧。斯則可矣。必量世事之厚薄。限篇第以多少。理則不然。且必謂工明為省也。若介葛辨犧於牛鳴。叔孫志夢於天壓。楚人教晉以拔旆。城者謳華以棄甲。此而畢書。豈得謂之省邪。且必謂漢書為煩也。若武帝乞漿於栢父。陳平獻計於天山。長沙戲舞以請地。楊僕怙寵而移關。此而不錄。豈得謂之煩邪。由斯而言。則史之煩省不中。從可知矣。又古今有殊。澆淳不等。帝堯則天稱大。書惟一。篇周武觀兵孟津。言成三誓。

伏犧止畫八卦。文王加以繫辭。俱為大聖。行事若一。其豐儉不類。懸隔如斯。必以古方今。持彼喻此。如蚩尤皇帝。交戰阪泉。施於春秋。則城濮。鄢陵之事也。有窮篡夏。少康中興。施於兩漢。則王莽光武之事也。夫差既滅。勾踐霸世。施於東晉。則桓玄。宋祖之事也。張儀馬錯。為秦開蜀。施於三國。則鄧艾。鍾會之事也。而往之所載。其簡如彼。今之所書。其審如此。若使後來同於往世。限一槩以成書。將恐學者必詬其踈遺。尤其率畧者矣。而議者苟嗤沈



蕭之所記

沈約字休文梁人著書蕭景暢子顯著齊書

事倍于孫習

孫成

字安國晉人著書

習

華謝之所編

華謝忱語

俱著漢史語

繁

字彥威亦著書

華謝之所編

華謝忱語

俱著漢史語

煩於班馬不亦繆乎故曰論史之煩省者但當求

其事有妄載言有闕書斯則可矣必量世事之厚

薄限篇第以多少理則不然其斯之謂也

春秋左傳魯宣公名倭一作委文公庶子弒太

子惡而自立成公名黑肱宣公之子襄公名午

成公之子昭公名稠父襄公之子在位二十五

年遜于齊

春秋左傳初叔孫穆子去魯及庶宗遇婦人使

私為食遠齊幣天墜已弗勝顧而見人黑而上

僂號之曰牛乃勝之既立庶宗之婦人獻以雞

問其姓曰余子長矣召而問之則所夢也使為

晉書

春秋左傳宣公十二年晉敗于郟晉人或以廣隊不能進楚人恭之脫局少進馬還又恭之拔

春秋左傳宣公二年宋華元獲於鄭賁歸宋城華元為植巡功城者謳曰睟其目鰭其腹素甲

而復于思于思素甲復來通鑑漢武帝微行夜至栢谷就通旅主人求漿

主人翁曰無漿政有溺耳漢書上至平城為匈奴所圍用陳平秘計得出

注應劭曰陳平使畫工圖美女問道閼氏云漢有美女如此今皇帝因阨欲獻之閼氏畏奪已

寵因說匈奴解圍鄭氏曰以計鄙陋故秘不傳顏注以應氏之說出栢譚新論譚以意測之非

記傳所說也前漢書長沙定王發以景帝前二年立母徽無

寵故王卑濕貧困應劭注云定王以景帝後二年來朝有詔更前稱壽歌舞定王但張袖小舉

手左右笑其拙上怪問之對曰臣國小地狹不足回救帝乃以武陵零陵桂陽益之

前漢書武帝元鼎二年徙兩谷關於新安注時樓船將軍楊僕數有大功耻為關外人上書乞徙東關以家財給其用度武帝意亦好廣濶於是徙去弘農三百里

春秋左傳僖公二十有八年夏四月戊辰晉侯次于城濮楚子玉使圖勃請戰已巳晉師陳于

莘北晉臣蒙馬以虎皮先犯陳蔡楚右師潰狐毛以上軍夾攻子西楚左師潰楚師敗績

春秋左傳成公十六年楚子使公子成以汝陰之田求成于鄭鄭叛晉晉侯伐鄭楚子救之六

月晉楚遇于鄢陵呂錡射楚王中目楚人宵遁晉入楚軍三日殺

春秋左傳有窮后羿因夏衰以代夏政後家衆殺之寒浞因羿室生澆及豷少康滅澆于過滅

豷于戈復禹之績祀夏配天不失舊物春秋左傳哀公元年吳王夫差敗越于夫椒遂

入越。夏三月，越及吳平。二十二年，越滅吳，使吳王居甬東。辭曰：「孤老矣，焉能事君？乃歸。」  
晉書：桓玄矯詔自封楚王，尋篡位。劉裕等起義兵討誅之，安帝反正。

史記：直蜀相攻擊，各來告急于秦。惠王欲發兵伐蜀，而韓來伐秦。惠王欲先伐韓，後伐蜀，未決。  
張儀曰：「不如伐韓。」司馬錯以為「為下」，如伐蜀。然惠王從之，卒起兵伐蜀，取之，遂定蜀。貶蜀王，更號為侯，而使陳莊相蜀。

魏志：鍾會，字士秀，潁川長社人。鄧艾，字士則，犍陽人。司馬文王欲圖蜀，惟會以為「可取」。景元四年，乃命鄧艾等大舉，傅徽已蜀，遂至綿竹。蜀主降。

補注

常璩華陽國志：惠文王使張儀、司馬錯伐蜀，滅之。而戰國策史記則謂伐蜀之謀定於司馬錯一人。史通之說，蓋本常璩。

孫端綬佩章  
景緯揆基校

史通訓故補卷之九終

史通訓故補卷之十

北平黃叔琳崑圃補註

海虞顧鎮備九叅訂

長洲陳棟元一同訂

雜述第三十四

昔在三墳五典春秋禱祀即上代帝王之書中古  
諸侯之記行諸歷代以為格言其餘外傳則神農  
嘗藥厥有本草夏禹敷土實著山經世本辨姓著  
自周室家語載言傳諸孔氏是知偏記小說自成

先係列後中  
明子長之序  
六家也短長  
義舉美惡互  
見則莊子天  
下篇班固藝  
文志也古人  
名篇未嘗不  
遵相規倣效

一家而能與正史參行其所從來尚矣爰及近古  
斯道漸煩史氏流別殊途並驚推而為論其流有  
十焉一曰偏記二曰小錄三曰逸事四曰瑣言五  
曰郡書六曰家史七曰別傳八曰雜記九曰地理  
書十曰都邑簿夫皇王受命有始有卒作者著述  
詳畧難均有權記當時不終一代若陸賈楚漢春  
秋樂資山陽公載記王韶晉安陸紀姚梁後畧此  
之謂偏記者也晉天率土人物弘多求其行事罕  
能周悉則有獨舉所知編為短部若戴逵竹林名

稽大匠之規  
矩陶冶之模  
範矣

士王粲漢末英雄蕭世誠懷舊志盧子行知已傳  
此之謂小錄者也國史之任記事記言視聽不該  
必有遺逸於是好奇之士補其所亡若和嶠汲冢  
記年葛洪西京雜記顧協瓌語謝綽拾遺此之謂  
逸事者也街談巷議時有可觀小說卮言猶賢於  
已故好事君子無所棄諸若劉義慶世說裴榮期  
語林孔思尚語錄陽玠松談藪此之謂瑣言者也  
汝潁奇士江漢英靈人物所生載光郡國故鄉人  
學者編而記之若園稱陳留耆舊周裴汝南先賢



陳壽益部耆舊虞預會稽典錄此之謂郡書者也  
高門華胄奕世載德才子承家思顯父母由是紀  
其先烈貽厥後來若揚雄家謀殷敬世傳孫氏譜  
記陸宗系歷此之謂家史者也賢士貞女類聚區  
分雖百行殊途而同歸於善則有取其所好各為  
之錄若劉向列女梁鴻逸民趙採忠臣徐廣孝子  
此之謂別傳者也陰陽為炭造化為工流形賦象  
于何不育求其怪物有廣異聞若祖台志怪千寶  
搜神劉義慶幽明劉敬叔異苑此之謂雜記者也

九州土宇萬國山川物產殊宜風化異俗如各志其本國足以明此一方若盛弘之荊州記常璩華陽國志辛氏三秦羅含湘中此之謂地理書者也帝王桑梓列聖遺塵經始之制不常厥所苟能書其軌則可以龜鏡將來若潘岳關中陸機洛陽三輔黃圖建康宮殿此之謂都邑簿者也大抵偏記小錄之書皆記即日當時之事求諸國史最為實錄然皆言多鄙朴事罕圓備終不能成其不刊永播來葉徒為後生作者剗葉之資焉逸事皆前史

所遺後人所記求諸異說為益實多及妄者為之則苟載傳聞而無銓擇由是真偽不別是非相亂如郭子橫之洞冥王子年之拾遺全構虛辭用驚愚俗此其為弊之甚者也瑣言者多載當時辨對流俗嘲謔俾夫樞機者藉為舌端談話者將為口實及蔽者為之則有詆訐相戲施諸祖宗褻狎鄙言出自牀第莫不昇之紀錄用為雅言固以無益風規有傷名教者矣郡書者矜其鄉賢美其邦族施於本國頗得流行置於他方罕聞愛異其有如

常璩之詳審劉昫之該博而能傳諸不朽見美來  
裔者益無幾焉家史者事惟三族言止一門正可  
行於室家難以播於邦國且箕裘不墜則其錄猶  
存苟薪構已亡則斯文亦喪者矣別傳者不出胸  
臆非由機杼徒以博採前史聚而成書其有足以  
新言加之別說者蓋不過十一而已如寡聞末學  
之流則深所嘉尚至於探幽索隱之士則無所取  
林雜記者若論神仙之道則服食鍊氣可以益壽  
延年語魑魅之途則福善禍淫可以懲惡勸善斯

則可矣。及謬者為之，則苟談怪異，務述妖邪，求諸  
弘益，其義無取。地理書者，若朱贛所採，浹於九州，  
闕駟所書，殫於四國，斯則言皆雅正，事無偏黨者  
矣。其有異於此者，則人自以為樂土，家自以為名  
都，競美所居，談過其實。又城池舊跡，山水得名，皆  
傳諸委巷，用為故實。鄙哉！都邑簿者，如宮闕、陵廟、  
街廛、郭邑，辨其規模，明其制度，斯則可矣。及愚者  
為之，則煩而且濫，博而無限，故論穰棟，則尺寸皆  
書；記草木，則根株必數。務求詳審，持此為能，遂使

學者觀之瞶亂而難紀也於是考茲十品徵彼百家則史之雜名其流盡於此矣至於其間得失紛揉善惡相兼既難為覩縷故粗陳梗概且同自郛無足譏焉又案子之將史本為二說然如呂氏淮南玄晏抱朴凡此諸子多以叙事為宗舉而論之抑亦史之雜也但以名目有異不復編於此科蓋語曰聚星之明不如一月之光歷觀自古作者著述多矣雖復門千戶萬波委雲集而言皆瑣碎事必蕪殘固難以接光塵於五傳並輝烈於三史古

人以此玉屑滿筐良有旨哉然則芻蕘之言明王  
必擇荊菲之體詩人不棄故學者有博聞舊事多  
識其物若不窺別錄不討異書專治周孔之章句  
直守遷固之紀傳亦何能自致於此乎且夫子有  
云多聞擇其善者而從之知之次也苟如是則書  
有非聖言多不經學者博聞益在擇之而已

魏史文帝既受禪黃初元年以河內之山陽邑  
奉漢帝為山陽公奉漢正朔

北史陽玠松北平人北齊秘書省正字

前漢書劉向睹趙衛之屬起微賤踰禮制以為  
上教由內及外乃采詩書所載賢妃貞女及嬖  
孽亂亡者序次為列女傳

後漢書。梁鴻。字伯鸞。平陵人。思于霸陵山中。仰慕前世高士。為四皓以來二十四人作贊。

晉書。祖台之。字元辰。歷官侍中。光祿大夫。

後漢書。郭憲。字子橫。汝南宋人。光武時。代張堪

為光祿。著洞冥記。序云。漢武帝洞心于道教。使

冥跡之。與。昭然顯著。故曰洞冥。

晉書。王嘉。字子年。著書百二十篇。載前世奇災

之說。凡十卷。

北史。閻騷。字玄陰。燉煌人。樂安王丕引為從事

中郎。撰十州志。

春秋左傳。襄公二十九年。吳公子札來聘。請觀

于周樂。自節以下無識焉。

隋書。經籍志。戴逵。竹林七賢論二卷。王粲。漢末

英雄記十卷。梁元帝。蕭繹。懷舊志九卷。盧思道

知己傳一卷。和嶠。汲冢注一卷。葛洪。西京雜記

二卷。顧瑛。項語十卷。謝綽。宋拾遺錄十卷。劉義

慶。世說十卷。孔思尚。宋齊語錄十卷。漢議郎。國

稱。陳留耆舊傳二卷。魏周裴汝南。先賢傳五卷。



晉陳壽益部耆舊傳十篇。徐廣孝子傳三卷。常璩華陽國志十二卷。

補注

唐書于志寧傳。初志寧與李勣修定本草。高宗問曰。本草尚已。今復修之。何所異耶。對曰。昔陶弘景以神農經合雜家別注。詔之江南。往往訛繆。今考正之。又增後世所用百餘物。以此為異。漢書藝文志。山海經十三篇。劉歆所校。隋書經籍志。漢初蕭何得秦圖書。故知天下要害。又得山海經。相傳以為夏禹所記。漢書藝文志。世本十五篇。古史官記黃帝以來訖春秋時諸侯大夫系謚名號。南史王韶之字休泰。博涉多聞。初為謝琰參軍。得父偉之舊書。因私撰晉安帝陽秋。除著作郎。使續後事。訖義熙九年。晉安帝之崩。宋武帝使韶之密加酖毒。武帝受命。復掌宋書。韶之為晉史。序王珣貨殖。王珣作亂。珣子弘入相。韶之常慮為弘所繩。夙夜勤勵。後為吳興太守卒。按王

詔宜作王韶之。晉安陸紀。宜作晉安帝紀。  
隋書經籍志。梁後畧十卷。姚最撰。按姚梁後畧

宜作姚最梁後畧。

晉書隱逸傳。戴逵。字安道。燕國人。太宰武陵王  
晞。聞其善鼓琴。召之。逵對使者破琴曰。戴安道  
不為黃門伶人。後徙居會稽之剡縣。累徵不就。  
乃逃于吳。吳國內史王珣。有別館在武邱山。逵  
潛詣之。復徵不至。

魏志。王粲傳。粲字仲宣。山陽高平人。貌寢而體  
弱。魏國既建。拜侍中。初。粲與人共行。讀道旁碑。  
不遺一字。觀人圍棋。局壞。粲為覆之。不談一道。  
性喜算。作算術畧。盡其理。善屬文。舉筆便成。建  
安中。從征吳。道病卒。

北史。盧元傳。元子伯源。伯源子道亮。道亮子思  
道。思道字子行。聰明俊辨。通悅不羈。齊文宣帝  
崩。命朝士各作挽歌十首。魏收等不過得一二。  
思道獨有八篇。故時人稱為八米盧郎。周武帝  
平齊。授儀同三司。

晉書和嶠傳嶠字長輿汝南西平人庾凱見而  
笑曰嶠森森如千丈松雖礫硯多節目花之大  
厦有棟樑之用惠帝即位拜太子太傅嶠家產  
豐盈拔于王者然性至吝杜預以為嶠有錢癖  
晉書葛洪傳洪字稚川丹陽句容人宏覽典籍  
尤好神仙導養之術太安中不米作亂洪為將  
兵都尉攻米別率破之後求為句漏令廣州刺  
史鄒嶷留不聽去乃止羅浮山煉丹著抱朴子  
內外一百十六篇洪著述篇章富于班馬又精  
辨元問析理入微後忽與嶷蹢云當遠行尅期  
便發嶷狼狽徃別而洪兀然若睡而卒  
南史顧協傳協字正禮吳郡吳人清介有志操  
初為廷尉正冬服單薄寺卿蔡法度謂人曰我  
願解身上襦與顧郎顧郎難衣食者竟不敢以  
遺之撰異姓苑五卷環語十卷行于世  
世說新語裴榮詒林始出為遠近所傳時流年  
少無不傳寫一通  
晉書庾預傳預好學有文章撰會稽典錄二十

篇

晉書羅含傳含嘗畫卧夢一鳥文彩異常飛入口中自此藻思日新仕至宜都太守又通考湘中山水記三卷宋陽羅含撰范陽盧植注其書頗及隋唐以後事則亦後人所附益也通考談數二卷北平陽玠松撰事燕南北時錄八代隋開皇中所述七畧子雲家謀言以甘露元年生

中興書目閩中記一卷晉葛洪撰唐書藝文志潘岳撰文選注引之

隋書經籍志洛陽記一卷陸機撰黃圖一卷記三輔宮觀陵廟明堂辟雍郊時等事

隋書經籍志志怪二卷祖台之撰搜神三十卷千寶撰幽明錄二十卷劉義慶撰異苑十卷宋

給事劉敬叔撰荊州記三卷宋臨川王侍郎威

唐書藝文志孫氏譜記十五卷殷氏家譜三卷殷敬撰吳郡陸宗系譜一卷陸景獻撰呂氏春

秋二十六卷。秦和呂不韋撰。魏高誘注。淮南子  
二十一卷。漢淮南王劉安撰。許慎注。元晏春秋  
三卷。皇甫謐撰。

辨職第三十五

夫設官分職。佇勅課能。欲使上無虛稱。下無虛受。其難矣哉。昔漢文帝幸諸將營。而目周亞夫為真將軍。嗟乎。必於史職求其若斯。乃為難遇者矣。史之為務。厥途有三焉。何則。彰善貶惡。不避彊禦。若晉之董狐。齊之南史。此其上也。編次勒成。鬱為不朽。若魯之丘明。漢之子長。此其次也。高才博學。名重一時。若周之史佚。楚之倚相。此其下也。苟三者並闕。復何為者哉。昔魯叟之修春秋也。不藉三桓。

之勢。漢臣之著史記也。無假七貴之權。而近古每有撰述。必以大臣居首。案晉起居注。載康帝詔。盛稱著述任重。理籍親賢。遂以武陵王領秘書監。尋武陵才非河獻。識異淮南。而輒以彼藩翰。董斯邦籍。求之稱職。無聞焉。爾既而齊撰國史。和士開惣知唐修本草。徐世勣監統夫。使辟陽長信。拍撫南董之前。周勃張飛。彈壓桐雷之右。斯亦怪矣。大抵監史為難。斯乃尤者。若使直若南史。才如馬遷。精懃不懈。若揚子雲。諳識故事。若應仲遠。兼斯其義。

督彼羣才。使載言記事。藉為模楷。搦管操觚。歸其  
准的。斯則可矣。但今之從政。則不然。凡居斯職者。  
必思幸貴。臣凡庸賤品。飽食安步。坐嘯盡諾。若斯  
而已矣。夫人既不知善之為善。則亦不知惡之為  
惡。故凡所引進。皆非其才。或以勢利見升。或以干  
祈致擢。遂使當官効用。江左以不樂為諛。拜職辨  
名。洛中以不閑為說。言之可為大噓。可為長嘆也。  
曾試論之。世之從仕者。若使之為將也。而才無韜  
畧。使之為吏也。而術靡循良。使之屬文也。而匪閑



傳真史館者  
為免人非者  
杜門著述者  
難辭愚責此  
事所以難言

于辭賦使之講學也。而不習於經典。斯則負乘致  
寇。悔吝旋及。雖五尺童兒。猶知調笑者矣。唯夫修  
史者。則不然。或當官卒歲。竟無刊述。而人莫之知  
也。或輒不自揆。輕弄筆端。而人莫之見也。由斯而  
言。彼史曹者。崇局峻宇。深附九重。雖地處禁中。而  
人同方外。可以養拙。可以藏愚。繡衣直指。所不能  
繩。強項申威。所不能及。斯固素飡之窟宅。尸祿之  
淵藪也。凡有國有家者。何事於斯職哉。昔子貢欲  
去告朔之餼羊。子曰。爾愛其羊。我愛其禮。又語云。

雖無老成人尚有典刑觀歷代之置史臣有同嬉  
戲而竟不廢其職者蓋存夫愛禮恡彼典刑者乎  
昔正明之修傳也以避時難子長之立記也藏於  
名山班固之成書也出自家庭陳壽之為志也創  
於私室然則古來賢雋立言垂後何必身居解宇  
跡參僚屬而後成其事乎是以深識之士知其若  
斯退居清淨杜門不出成其一家獨斷而已豈與  
夫冠猴獻狀評議其得失者哉

晉書武陵王晞字道叔太興元年受封康帝建  
元初領秘書監

前漢書河間獻王德孝景帝子也。好儒學。被服造次必于儒者。山東諸儒多從之游。

北史和士開字彥通清都臨漳人。以傾巧有寵于齊神武。仕至左僕射。武成時恒令與胡太后

控禦。又出入卧內。遂與太后亂。後伏誅。

唐書徐世勳字懋功。曹州人。李密起兵。署勳為右武侯大將軍。歸唐。賜姓李氏。歷官尚書左僕射。又于志寧傳志寧與李勣修定本草并圖合五十四篇。

前漢書密食其以舍人初起。從高祖三年。呂后為項羽所得。食其侍從。後封辟陽侯。

史記嫪毐與秦太后亂。封長信侯。子之山陽地。史記周勃沛人。高祖初起。以中涓從。後積功賜爵列侯。食綈。號為綈侯。

蜀志張飛字翼德涿郡人。以積功封西鄉侯。

荒史黃帝主醫藥之臣。有岐伯。雷公。俞跗。巫彭。桐君。凡五人。

後漢書獻帝始遷都于許。舊章湮滅。應劭乃綴

集所聞著漢官禮儀故事凡朝廷制度百官典式多勅所立

〔補注〕

漢書淮南王安傳安好書鼓琴招致賓客方術之士數千人作為內書二十一篇外書甚衆又有中篇八卷言神仙黃白之術

北史魏收傳後主即位收掌詔誥除尚書右僕射總議監五禮事收奏請趙彥深和士開徐之才共監先以告士開士開驚辭以不學收曰天下事皆由五禮非王不決士開謝而許之  
荒史岐伯雷公作內經著之玉版唐書藝文志桐君藥對二卷

自叙第三十六

予幼奉庭訓。早遊文學。年在純綺。便受古文尚書。每苦其辭艱瑣。難為諷讀。雖屢逢捶撻。而其業不成。嘗聞家君為諸兄講春秋左氏傳。每廢書而聽。逮講畢。即為諸兄說之。因竊嘆曰。若使書皆如此。吾不復怠矣。先君奇其意。於是始授以左氏。期年而講誦都畢。于時年甫十有二矣。所講雖未能深解。而大義畧舉。父兄欲令博觀義疏。精此一經。辭以獲麟已後。未見其事。乞且觀餘部。以廣異聞。次

又讀史漢三國志既欲知古今沿革歷數相承於是觸類而觀不假師訓自漢中興已降迄乎皇家實錄年十有七而窺覽畧周其所讀書多因假賃雖部帙殘缺篇第有遺至於叙事之紀綱立言之梗概亦粗知之矣但于時將求仕進兼習揣摩至於專心諸史我則未暇洎年登弱冠射策登朝於是思有餘閑獲遂本願旋遊京洛頗積歲年公私借書恣情披閱至如一代之史分為數家其間雜記小書又競為異說莫不鑽研穿鑿盡其利害加

以自小觀書喜談名理其所悟者皆得諸衿腑非  
由染習故始在總角讀班謝兩漢便怪前書不應  
有古今人表後書宜為更始立紀當時聞者共責  
以童子何知而敢輕議前哲於是赧然自失無辭  
以對其後見張衡范曄集果以二史為非其有暗  
合於古人者蓋不可勝紀始知流俗之士難與之  
言凡有異同蓄諸方寸及年已過立言悟日多常  
恨時無同好可與言者維東海徐堅晚與之過相  
得甚歡雖古者伯牙之識鍾期管仲之知鮑叔不

是過也。復有永城朱敬則、沛國劉允濟、吳興薛謙光、河南元行冲、陳留吳兢、壽春裴懷古，亦以言議見許。道術相知，所有揚摧，得盡懷抱。每云：德不孤，必有鄰。四海之內，知我者，不過數子而已矣。昔仲尼以睿聖明哲，天縱多能，覩史籍之繁文，懼覽之者不一，刪詩為三百篇，約史記以備春秋，讚易道以黜八索，述職方以除九丘，討論墳典，斷自唐虞，以訖于周。其文不刊，為後王法。自茲厥後，史籍逾多，苟非命世大才，孰能刊正其失？嗟予小子，敢當



此任其於史傳也。嘗欲自班馬已降迄於姚李令狐顏孔諸書莫不因其舊義。普加釐革。但以無夫子之名。而輒行夫子之事。將恐致驚愚俗。取咎時人。徒有其勞。而莫之見賞。所以每握管嘆息。遲回者久之。非欲之而不能實能之。而不欲也。既朝廷有知意者。遂以載筆見推。由是三為史臣。再入東觀。則天朝為著作佐郎。轉左史。今上初即位。又除著作。長安中以本官兼修國史。會遷中書舍人。替罷其任。神龍元年。又以本官兼修國史。迄今不改。今之史館。即古之東觀也。每惟皇家受命。多歷年所。史官所編。粗為紀錄。至於紀傳及

志則皆未有其書。長安中年會奉詔預修唐史。及今上即位。又勅撰則天大聖皇后實錄。凡所著述。常欲行其舊議。而當時同作諸士。及監修貴臣。每與其鑿枘相違。齟齬難入。故其所載削。皆與俗沉浮。雖自謂依違苟從。然猶大為史官所嫉。嗟乎。雖任當其職。而吾道不行。見用於時。而美志不遂。鬱快孤憤。無以寄懷。必寢而不言。嘿而無述。又恐歿世之後。誰知予者。故退而私撰史通。以見其志。昔漢世劉安著書。號曰淮南子。其書牢籠天地。博極

古今上自太公下至商鞅其錯綜經緯自謂兼於  
數家無遺力矣然自淮南已後作者無絕必商榷  
而言則其流又衆蓋仲尼既歿微言不行史公著  
書是非多謬由是百家諸子詭說異辭務為小辨  
破彼大道故揚雄法言生焉儒者之書博而寡要  
得其糟粕失其菁華而流俗鄙夫貴遠賤近傳茲  
牴牾自相欺惑故王充論衡生焉民者冥也冥然  
罔知率彼愚蒙墻面而視或訛音鄙句莫究本源  
或守株膠柱動多拘忌故應劭風俗通生焉五常

異稟百行殊軌能有兼偏知有長短苟隨才而任  
使則片善不遺必求備而後用則舉世莫可故劉  
劭人物志生焉夫開國承家立身立事一文一武  
或出或處雖賢愚壤隔善惡區分苟時無品藻則  
理難銓綜故陸景典語生焉詞人屬文其體非一  
譬甘辛殊味丹素異彩後來祖述識昧圓通家有  
詆訶人相倚撫故劉勰文心生焉若史通之為書  
也蓋傷當時載筆之士其道不純思欲辨其指歸  
殫其體統夫其書雖以史為主而餘波所及上窮

病止在此非  
止得厚于時  
而已

王道下挾人倫。摠括萬殊。包吞千有。自法言已降。  
迄于文心而往。以納諸胸中。曾不蒂芥者矣。夫其  
為義也。有與奪焉。有褒貶焉。有鑒誠焉。有諷刺焉。  
其為貫穿者深矣。其為網羅者密矣。其所商畧者  
遠矣。其所發明者多矣。蓋談經者惡聞服杜之嗤。  
論史者憎言班馬之失。而此書多譏往哲。喜述前  
非。獲罪於時。固其宜矣。猶冀知音君子。時有觀焉。  
尼父有云。罪我者春秋。抑斯之謂也。昔梁徵士劉  
孝標作叙傳。其自比於馮敬通者有三。而予輒不

自揆亦竊比於揚子雲者有四焉。何者。揚雄嗜好雕虫小伎。老而悔其少作。余幼喜詩賦。而壯都不為耻。以文士得名。斯以迷者。自命其似一也。揚雄草玄累年不就。當時聞者莫不哂其徒勞。余撰史通亦屢移寒暑。悠悠塵俗。共以為愚。其似二也。揚雄撰法言。時人競尤其妄。故作解嘲以訓之。余著史通見者亦互言其短。故作釋蒙以拒之。其似三也。揚雄少為范曄劉歆所重。及聞其撰太玄經。則嘲以恐葢醬醃。然劉范之重雄者。葢貴其文彩。若

長楊羽獵之流耳如太玄深奧難以探賸既絕窺  
踰故加譏誚余初好文筆頗獲譽于當時晚談史  
傳遂減價於知己其似四也夫才唯下劣而跡類  
先賢是用銘之於心持以自慰抑猶有遺恨懼不  
似揚雄者有一焉何者雄之玄經始成雖為當時  
所賤而桓譚以為數百年外其書必傳其後張衡  
陸績果以為絕倫參聖夫以史通方諸太玄今之  
君山即徐朱等數君是也後來張陸則未之知耳  
嗟乎倘使平子不出公紀不生將恐此書與糞土

同捐烟燼俱滅後之識者無得而觀此予所以撫  
卷漣涕淚盡而繼之以血也

唐書徐堅字元固湖州長城人開元中為集賢  
院學士

列子伯牙鼓琴鍾子期善聽伯牙志在高山子  
期曰善哉乎鼓琴巍巍乎如太山志在流水子  
期曰善哉乎鼓琴洋洋乎如江河

史記管仲曰生我者父母知我者鮑子  
唐書朱敬則字少連永城人則天時遷正諫大  
夫兼修國史

唐書劉允濟河南鞏人其先出沛國劉歆之六  
世孫也累遷著作郎為魯後春秋

唐書元浩字行冲以字顯後魏常山王素連之  
後累遷通事舍人以系出拓跋恨史無編年乃  
撰魏典三十篇

唐書吳兢浚儀人神龍中遷右補闕居史職三



十年叙事簡要人用稱之

唐書裴懷古壽春人儀鳳中上書補下邳主簿

累遷御史

前漢書揚雄見諸子其知外駁是非頗謬于經故  
人時有問雄者常用法言應之撰此以象論語

後漢書應劭撰風俗通以辨物類名號釋時俗  
熒疑文雖不典後世服其洽聞

魏志劉劭字孔才邯鄲人黃初中為尚書郎作  
人物志以人才不同當以九徵八觀審察而任  
使之凡十六篇

南史劉勰字彥和東莞莒人著文心雕龍十卷

前漢書揚雄用心于內於時人皆忽之惟劉歆  
及范滂敬焉而桓譚以為絕倫雄死嚴尤謂譚

曰子嘗稱揚雄書豈能傳于後世乎譚曰必傳  
顧君與譚不及見也老聃著虛無之言後世好

之者尚以為過于五經今揚子之書文義至深  
而論不詭于聖人若使遭遇時君則必度越諸

子矣。

吳志陸績字公紀吳人累加偏將軍雖有軍事著述不廢作渾天圖注易釋玄皆傳于世後漢書張衡謂崔瑗曰吾觀太玄方知子雲妙極道數乃與五經相擬漢四百歲玄其興矣

補注

唐書薛登傳登本名譙元常州義興人以與皇太子名同詔賜今名登貫文史天授中遷左補

闕景雲中為御史大夫

後漢書王充傳充字仲任會稽上虞人以俗儒守文多失其真乃閉戶潛思絕慶弔之禮戶牖牆壁各著刀筆著論衡八十五篇

舊唐書藝文志儒家典語十卷陸景撰

孫端綬佩章校

景緯揆基

史通訓故補卷之十終

史通訓故補卷之十一

北平黃叔琳崑圃補注

海虞顧鎮備九叅訂

瑯琊王模範木同訂

外篇

史官建置第一

總十四條

夫人寓形天地其生也若蜉蝣之在世如白駒之  
過隙猶且耻當年而功不立疾沒世而名不聞上  
起帝王下窮匹庶近則朝廷之士遠則山林之客

諒其於功也名也莫不汲汲焉孜孜焉夫如是者何哉皆以圖不朽之事也何者而稱

別本有不朽二字

蓋書名竹帛而已向使世無竹帛時闕史官雖堯舜之與桀紂伊周之與莽卓夷惠之與跖躋商冑之與曾閔俱一從物化墳土未乾則善惡不分妍媸永滅者矣苟史官不絕竹帛長存則其人已亡杳成空寂而其事如在皎同星漢用使後之學者坐披囊篋而神交萬古不出戶庭而窮覽千載見賢而思齊見不賢而內自省若乃春秋成而逆子

懼南史至而賊臣書其記事載言也則如彼其勸  
善懲惡也又如此由斯而言則史之為用其利甚  
博乃生人之急務為國之要道有國有家者其可  
缺之哉故備陳其事編之於後

其一條

蓋史之建官其來尚矣昔軒轅氏受命倉頡沮誦  
實居其職至於三代其數漸繁案周官禮記有太  
史小史內史外史左史右史之名太史掌國之六  
典小史掌邦國之志內史掌書王命外史掌書使  
乎四方左史記言右史記事曲禮曰史載筆大事

書之於策小事簡牘而已大戴禮曰太子既冠成人免於保傅則有司過之史韓詩外傳云據法守職而不敢為非者太史令也斯則史官之作肇自黃帝備於周室名目既多職務咸異至於諸侯列國亦各有史官求其位號一同王者至如孔甲尹逸名重夏殷史佚倚相譽高周楚晉則伯璽司籍魯則丘明受經此並歷代史臣之可得言者降及戰國史氏無廢趙鞅晉之一大夫爾猶有直臣書過操簡筆於門下田文齊之一公子爾每坐對賓

客侍史記於屏風至若秦趙二主通池交會各命  
其御史書某年某月鼓瑟鼓缶此則春秋君舉必  
書之之義也然則官雖無闕而書尚有遺故史臣  
等差莫辨其序案呂氏春秋曰夏太史終古見桀  
惑亂載其圖法出奔商商太史向挈一作高挈見紂迷  
亂載其圖法出奔周晉太史屠黍見晉之亂亦以  
其圖法歸周又春秋晉齊太史書趙崔之弑鄭公  
孫黑強與於盟使太史書其名且曰七子昭二年  
晉韓宣子來聘觀書於太史氏見易象與魯春秋

史記卷一百一十五  
三  
曰周禮盡在魯矣。然則諸史之任太史其最優乎。至秦有天下太史令胡毋敬作博學章此則自夏迄秦斯職無改者矣。漢興之世武帝又置太史公位在丞相上以司馬談為之。漢法天下計書先上太史副上丞相。叙事如春秋及談卒子遷嗣遷卒宣帝以其官為令行太史公文書而已。尋自古太史之職雖以著述為宗而兼掌歷象日月陰陽度數司馬遷既沒後之續史記者若褚先生劉向馮商揚雄之徒竝以別職來知史務於是太史之署



全又增如著  
錄不類占候

非復記言之司故張衡單颺王立高堂隆等其當  
官見稱唯知占候而已

其二條

當王莽代漢改置柱下五史秩如御史聽事侍傍  
記跡言行益効古者動則左史書之此其義也

其三條

漢氏中興明帝以班固為蘭臺令史詔撰光武本  
紀及諸列傳載記又揚子山為郡上計吏獻所作  
哀牢傳為帝所異徵詣蘭臺斯則蘭臺之職者益  
當時著述之所也自章和已後圖籍盛於東觀凡

撰漢記相繼在乎其中而都謂著作竟無它稱其

四條

當魏太和中始置著作郎職隸中書其官即周之

左史也晉元康初又職隸秘書著作郎一人謂之

大著作專掌史任又置佐著作郎八人宋齊以來

以佐名施於作下

改佐著作郎為著作佐郎

舊事佐郎職知博

採正郎資以草傳如正佐有失則秘監職司其憂

其有才堪撰述學綜文史雖居他官或兼領著作

亦有雖為秘書監而仍領著作郎者若中朝之華

嶠陳壽陸機東晉江左之王隱虞預干寶孫盛宋  
之徐爰蘇寶生梁之沈約裴子野斯竝史官之尤  
美著作之妙選也而齊梁二代又置條史學士陳  
氏因循無所變革若劉昫謝吳顧野王許善心之  
類是也

其五條

至若偏隅僭國夷狄偽朝求其史官亦有可言者  
案蜀志稱王崇補東觀許蓋掌禮儀又郗正為秘  
書郎廣求益部書籍斯則典校無關屬辭有所矣  
而陳壽評云蜀不置史官者得非厚誣諸葛乎別

有曲筆篇言之詳矣吳歸命時有左右二國史之  
職薛瑩為其左華覈為其右又周處自左國史遷  
東觀令以斯考察則其班秩可知其六條

偽漢嘉平初公師或以太中大夫領左國史撰其  
國君臣紀傳前涼張駿時劉慶遷儒林郎中常侍  
在東苑撰其國書蜀與西涼三朝一作二朝記事委之  
門下南涼主烏孫初定霸基欲造國紀以其叅軍  
卽韶為國紀祭酒使撰錄時事自餘偽主多置著  
作官若前趙之和苞後燕之董統是也其七條

元魏初稱制即有史臣雜取它官不常厥職故如  
崔浩高閭之徒唯知著述而未列名號其後始於  
秘書置著作局正郎二人佐郎四人其佐叅史者  
不過一二而已普泰以來叅史稍替別置脩史局  
其職有六人當代都之時史臣每上奉王言下詢  
國俗兼取工於翻譯者來置史曹及洛京之末朝  
議又以為國史當專任代人不宜歸之漢士於是  
以谷纂山偉更主文籍凡經二十餘年其事闕而  
不載斯蓋猶秉夷禮有互鄉之風者焉

其八條

高齊及周迄于隋氏其史官以大臣統領者謂之  
監脩國史自領則近循魏代遠効江南叅雜其間  
變通而已唯周建六官改著作之正郎為上士佐  
郎為下士名謚雖易而班秩不殊如魏收之擅名  
河朔柳虬之獨步關右王劬魏澹展効於開皇之  
朝諸葛頴劉炫宣功於大業之世亦各一時也其  
九條

暨皇家之建國也乃別置史館通籍禁門西京則  
與鸞渚為鄰東都則與鳳池相接而館宇華麗酒

饌豐厚得廁其流者實一時之美事至咸亨年以  
職司多濫高宗喟然而稱曰朕甚惜焉乃命所司  
曲加推擇如有居其職而闕其才者皆不得預於  
脩撰詔曰脩撰國史義存典實自非操履忠正識  
量該通才學有聞難堪斯任竊聞近日已未  
但居此職即知脩撰非唯編輯訛舛亦恐洩漏史  
事自今宜遣史司精簡堪脩史人灼然為衆所推  
者錄名進內自餘雖居史職不得輒聞由是史臣  
見所脩史籍及未行用國史等之事

拜職多取外司著作一曹殆成虛設凡有筆削畢  
歸於餘館始自武德迄乎長壽其間若李仁實以  
直辭見憚敬播以叙事推工許敬宗之矯妄牛鳳

及之狂惑此其善惡尤著者也 其十條

又案晉令著作郎掌起居集注撰錄諸言行勲伐  
舊載史籍者元魏置起居令史每行幸譙會則在  
御左右紀錄帝言及賓客訓對後別置脩起居注  
二人多以餘官兼掌至隋以吏部散官及校書正  
字嫻於述注者脩之納言監領其事煬帝以為古  
有內史外史今既有著作宜立起居遂置起居舍  
人二員職隸中書省如庾自直崔濟祖虞世南蔡  
允恭等咸居其職時謂得人唐氏因之又加置起



居郎二員。職與舍人同。每天子臨軒。侍立於玉階之下。郎居其左。舍人居其右。人主有命。則逼階延首而聽之。退而編錄。以為起居注。龍朔中。改名左史。右史。今上即位。仍從國初之號焉。高祖太宗時。有令狐德棻。呂才。蕭鈞。褚遂良。上官儀。高宗則天時。有李安期。顧省高。智周。張大素。凌季友。斯並當時得名。朝廷所屬也。夫起居注者。編次甲子之書。至於策命。章奏。封拜。薨免。莫不隨事記錄。言惟詳審。凡欲撰帝紀者。皆因之以成功。即今為載筆之

別曹立言之貳職故畧述其事附於斯篇

其十一條

又按詩如風靜女之三章君子取其彤管夫彤管者女史記事規誨之所執也古者人君外朝則有國史內朝則有女史內之與外其任皆同故晉獻惑亂驪姬夜泣床第之私房中之事不得掩焉楚昭王讌遊蔡姬許從孤死矣夫宴私而有書事之冊蓋受命者即女史之流乎至漢武帝時有禁中起居注明德馬皇后撰明帝起居注凡斯著述似出宮中求其職司未聞位號隋世王劼上疏請依

古法復置女史之班。具錄內儀付於外省。文帝不許。遂不施行。大抵自古史官。其沿革廢置如此。夫仲尼脩春秋。公羊高作傳。漢魏之陸賈。魚豢。晉宋之張璠。范曄。雖身非史職。而私撰國書。若斯人者。有異於是。故不復詳而錄之。其十二條

夫為史之道。其流有二。何者。書事記言。出自當時之簡。勒成刪定。歸於後來之筆。然則當時草創者。資乎博聞實錄。若董狐。南史是也。後來經始者。貴乎雋識通才。若班固。陳壽是也。必論其事業前後。

不同然相須而成其歸一揆

其十三條

觀夫周秦已往史官之取人其詳不可得而聞也  
至於漢魏已降則可得而言然多竊虛號有聲無  
實案劉曹二史皆當代所撰能成其事者蓋唯劉  
珍蔡邕主沉魚秦之徒耳而舊史載其同作非正  
一家如王逸阮籍亦預其列且叔師研尋章句儒  
生之腐者也嗣宗沉湎麴蘖酒徒之狂者也斯豈  
能措置時事裁成國典乎而近代趨競之士尤喜  
居於史職至于措辭下筆者十無一二焉既而書

成繕寫則署名同獻爵賞既行則攘袂爭受遂使  
是非無准真偽相雜生則厚誣當時死則致惑來  
代而書之譜傳以為美談載之碑碣增其壯觀既  
而自歷行事稱其所長則所云某代著某書某年  
成某史加封若干戶獲賜若干段諸如此類往往  
而有遂使讀者皆以為名實相符功賞相副昔魏  
帝有言舜禹之事吾知之矣此則效歟其十四條

春秋左傳楚靈王次于乾谿右尹子革侍左史  
倚相趨過王曰是良史也子善視之

說苑昔周舍事趙簡子立于門三日夜簡子使  
問之曰夫子將何以令我舍曰願為諤諤之臣

墨筆探牘司君之過而書之日有記月有效歲  
有得也簡子悅之

史記孟嘗君待客坐語而屏風後常有侍史主  
記君所與客語間親戚居處客去孟嘗君已使  
使存問獻遺其親戚

史記秦王與趙惠王會于渾池飲酒酣請趙王  
鼓瑟秦御史前書曰某年月日秦王與趙王會  
飲令趙王鼓瑟商相如前進跪跪請秦王王不  
懌為一擊既相如顧召趙御史書曰某年月日  
秦王為趙王擊既

春秋左傳昭公元年鄭伯及其大夫盟于公孫  
段氏罕虎公孫僞公孫段印段游吉駟帶私盟  
于閨門之外賈薰隧公孫黑強與于盟使太史  
書其名且曰七子

魏志高堂隆字升平青龍中為太史令其二條  
論衡揚終字子山為郡上計吏見三府掾史為  
哀牢傳不能成歸郡作上之孝明奇之徵詣蘭  
臺其四條

魏志太和明帝改元

晉書惠帝元康二年詔著作舊屬中書今秘書  
既與文籍宜改為秘書著作于是改隸秘書  
晉書束皙字廣微陽平人歷官著作郎  
隋書許善心字務本高陽北新城人入隋為秘  
書其五條

蜀志卻正字令先偃師人蜀秘書令史遷郎蜀  
平隨後主入洛陽時論嘉之其六條

晉書嘉平偽漢劉聰改元

晉書公師或襄陵人善相見劉淵驚曰此人形  
貌非常吾所未見也官至太中大夫後為劉聰  
所誅其七條

北史山偉字仲才洛陽人領著作郎自崔浩高  
允以還諸人相繼撰錄至慕容山偉等頗悅上  
黨王天穆及爾朱隆以國史應代人脩緝是以  
偉等更主文籍守舊而已自崔鴻死後二十許  
載時事蕩然萬不記一史之遺闕偉之由也無  
谷纂或是慕容偽之誤其八條

北史·柳虬·字仲盤·河東人·周文帝時領著作·脩起居注

北史·魏澹·字彥深·鉅鹿下曲陽人·隋高祖受禪·遷著作郎

北史·諸葛頴·字漢·建康人·起家梁邵陵王泰軍·入隋·遷著作郎·其九條

唐書·咸亨·高宗改元·武德·高祖改元·長壽·武后改元

唐書·李仁實·魏州頓邱人·歷官左史

唐書·敬播·河東人·累遷著作郎·兼修國史·與尹·頴達等撰次隋史·與令狐德棻撰晉書·大抵見

例·皆指所發也

唐書·許敬宗·字延族·杭州新城人·龍朔中為右相

唐書·牛鳳及·長壽中撰唐書·自武德終弘道·為百有十卷·其十條

隋書·庾自直·潁川人·大業初授著作郎

唐書·虞世南·字伯施·餘姚人·隋大業中·遷秘書



郎。入唐累官秘書監。

唐書呂才博州清平人累擢太常博士。

唐書蕭鈞太僕瑞之從子也永徽中累遷弘文館學士。

唐書褚遂良錢塘人散騎常侍亮之子也歷官尚書右僕射。

唐書上官儀字游韶陝州人授弘文館學士遷秘書郎。

唐書李安期百藥之子也高宗時遷中書舍人自德林至安期三世掌制誥至孫義仲又為中

書舍人。

唐書顧乃吳人永徽中累遷起居郎兼修國史。

唐書高智周晉陵人累官秘書郎弘文館學士其十一條

詩。邛風靜女其婁。貽我彤管。彤管有輝。悅澤女美。

國語。優施教驪姬夜半而泣。謂獻公曰。君盍殺我。無以一妾亂百姓。公曰。太子惠其民而不惠

於其父乎。驪姬曰：「君盍老而殺之，彼得政而行其欲，得其所索，乃可釋君。」公曰：「不可。」舅勿彘吾將圖之。

列女傳：越姬者，勾踐之女，昭王之姬也。昭王燕遊，蔡姬在左，越姬在右，乃顧謂二姬曰：「樂乎？」對曰：「樂。」王曰：「願與子生若此死若此。」蔡姬曰：「願生同樂，死同時。」王顧謂史書之。蔡姬許從，狐死矣。其十二條。

後漢書：王逸，字叔師，宜城人。順帝時為侍中，注楚辭行于世。

晉書：阮籍縱酒昏酣，遺落世事。聞步兵厨人善釀，貯有美酒三百斛，求為步兵校尉。其十四條。

補注

世本：沮誦，倉頡作書。宋衷注云：倉頡，沮誦。黃帝史官。歸雲集云：河圖說微稱倉帝，說文稱頡皇。崔瑗、曹植、蔡邕、索靖、張揖、顧野王皆以倉頡為古帝，不得稱為黃帝史官。歸雲集：黃帝主書史之臣，則沮誦作雲書。孔甲

為史執青纂記言動惟實杜甫云屋后孔甲充其佐是也非夏之孔甲

史記周本紀武王既入立於社南召公奭贊采師尚父牽牲尹佚奠祝又漢書藝文志尹逸二篇注云周臣在成康時據此則不但孔甲非夏而尹佚亦非殷矣子元豈別有所據耶

呂氏春秋先識覽夏太史令終古出其圖法執而泣之夏桀迷惑暴亂愈甚終古乃出奔如商殷內史向孳見紂之愈亂迷惑也於是載其圖法出亡之周晉太史屠黍見晉之亂也見晉公之驕而無德義也以其圖法歸周周威公見而問曰天下之國孰先亡對曰晉先亡居三年晉果亡

漢書藝文志名詠一篇上七章秦丞相李斯作爰歷六章車府令趙高作博學七章左史令胡毋敬作

漢書藝文志焉商所續太史公七篇字昭曰焉商受詔續太史公十餘篇在班彪別集商字子

高師古曰。七畧云。商陽陵人。治易。事王鳳。充宗。後事劉向。後與柳玉俱待詔。頗序列傳。未卒。病死。

後漢書張衡傳。衡字平子。南陽西鄂人。安帝徵拜郎中。遷太史令。作渾天儀。著靈獻算罔論。後為侍中。上疏請得常事東觀。畢力補綴。又條上。司馬遷班固所叙。與典籍不合者。十餘事。書數上。不聽。

後漢書蔡邕傳。邕與堂谿典馬日磾。張馴。韓說。單鳳等。奏求正定六經文字。光和元年。詔邕與光祿大夫楊賜。諫議大夫馬日磾。議郎張華。太史令單鳳。詣金商門。引入崇德殿。使中常侍曹節。王甫。就問災異。及消改變故所宜施行。邕二漢書百官表。御史大夫。秦官。有兩丞。一曰中丞。在殿中。蘭臺掌圖籍秘書。後漢書百官志。蘭臺令史六百石。

後漢書地理志。哀牢。永平中置。故牢王國。雲南通志。永昌有哀牢山。在府東二十里。其四條。

宋書恩倖傳徐爰微密有意理為高祖所知仕  
至左丞先是元嘉中使何承天草創國史世祖  
初又使奉朝請山謙之南臺御史蘇寶生踵成  
之六年又以爰領著作郎使終其業

宋書顧野王傳野王字希馮吳郡吳人天嘉元  
年補撰史學士加招遠將軍太建六年領大著  
作知梁史事遷黃門侍郎光祿卿卒贈右衛將  
軍其五條

魏書高閭傳閭字閑士漁陽雍奴人本名驢崔  
浩奇之乃改為閭而字焉真君九年拜中書博  
士後遷侍郎與高允奏決大政賜爵安東子以  
功進封侯其八條

孫端綬佩章  
景緯揆基校

史通訓故補卷之十一終